

## UNTUK SIARAN SEGERA



## KENYATAAN MEDIA

### PENDAFTARAN PAS PERJALANAN BULANAN TANPA HAD RM5 MULAI ESOK

**KUALA LUMPUR, 26 DIS** – Pengguna Keretapi Tanah Melayu Berhad (KTMB) boleh mendapatkan pas perjalanan bulanan tanpa had RM5 atau dikenali sebagai MyRail5 mulai 30 Disember 2020. Penggunaan pas itu akan berkuatkuasa mulai 1 Januari 2021.

Pendaftaran MyRail5 boleh dilakukan di kaunter-kaunter terpilih dan juga secara dalam talian mulai 27 Disember ini.

Inisiatif yang diperkenalkan oleh Kerajaan ini adalah khusus untuk pelajar sekolah tahun 1 hingga tingkatan 6 serta golongan Orang Kurang Upaya (OKU).

Pengenalan insentif baharu ini adalah untuk meringankan beban perbelanjaan pengangkutan pelajar sekolah serta golongan OKU yang menggunakan perkhidmatan KTMB, khususnya perkhidmatan KTM Komuter dan KTM Intercity.

Ketua Pegawai Eksekutif KTMB, Mohd Rani Hisham Samsudin berkata mereka boleh menggunakan pas ini mengikut sektor bagi perkhidmatan KTM Komuter Lembah Klang, KTM Komuter Utara, dan tren KTM Intercity Shuttle Timuran di antara Kuala Lipis - Tumpat.

“Pas perjalanan bulanan MyRail5 dijangka akan memberi faedah kepada hampir 3,000 pengguna tren sehari. Statistik mendapati purata perbelanjaan yang dikeluarkan untuk pengangkutan adalah sebanyak RM169 sebulan.

“Kini dengan hanya RM5, para pengguna dapat menggunakan perkhidmatan KTMB berulang kali tanpa had untuk tempoh 30 hari,” katanya lagi.

Pengguna KTM Komuter di Lembah Klang boleh membuat pendaftaran di 13 stesen yang terpilih iaitu Sentul, Batu Caves, Subang Jaya, Klang, Shah Alam, Bandar Tasik Selatan, Kajang, Seremban, KL Sentral, Kepong, Sungai Buloh, Rawang dan Tanjung Malim.

Manakala pengguna KTM Komuter di Utara dan KTM Intercity Shuttle Timuran boleh mendaftar sama ada di semua kaunter atau melalui laman sesawang KTMB.

Sebagai mempromosi kempen ini, KTMB akan menggunakan paparan-paparan skrin di dalam tren dan stesen; di samping platform media sosial kendalian KTMB.

Program siri jelajah promosi di lokasi strategik terutamanya di sekolah serta agensi berkaitan juga akan diadakan dalam masa terdekat.

Pertanyaan lanjut, hubungi Pusat Panggilan KTMB di 03-2267 1200 atau layari saluran media baharu rasmi KTMB.

Tamat.

---

Dikeluarkan pada 26 Disember 2020 oleh Jabatan Komunikasi Strategik, Keretapi Tanah Melayu Berhad (KTMB).